

**OPĆINSKOM SUDU U SARAJEVU
Sudiji za prethodno saslušanje**

Na osnovu člana 45. stav 2. tačka i) u vezi sa članom 241. Zakona o krivičnom postupku F BiH, podižem:

OPTUŽNICU

PROTIV:

1. **BUDIMIR ŽIVKO**, rođen 1962. godine uPosušje, nastanjen na adresi, JMBG, državljani BiH i R Hrvatske, po zanimanju profesionalni vojnik, obnaša dužnost Predsjednika Federacije Bosne i Hercegovine, oženjen, ima čin general-pukovnika u mirovini, odlikovan u R Hrvatskoj, srednjeg imovnog stanja, neosuđivan, ne vodi se drugi krivični postupak protiv njega.
2. **BARIŠIĆ PETAR**, rođen 1970. godine uPosušje, nastanjen na adresi, JMBG, državljani BiH i R Hrvatske, završio Višu vojnu školu u Zagrebu, po zanimanju časnik, obnaša dužnost savjetnika Predsjednika Federacije BiH, srednjeg imovnog stanja, ima čin brigadira, odlikovan, neosuđivan, ne vodi se drugi krivični postupak protiv njega.
3. **KULOSMAN SAUD**, rođen 1967. godine uopćina Foča, nastanjen na adresi, JMBG, državljani BiH, završio srednju ekonomsku školu, obnaša dužnost predsjednika JO boraca i veterana Armije BiH Kantona Sarajevo, oženjen, lošeg imovnog stanja, odlikovan Zlatnim ljiljanom, neosuđivan, ne vodi se drugi krivični postupak protiv njega.
4. **HALILOVIĆ HIDAJET**, zv. „Hido“, rođen 1956. godine u, općina Zenica, nastanjen na adresi, JMBG, državljani BiH, po zanimanju diplomirani pravnik, zaposlen u Ministarstvu pravde Federacije BiH na dužnosti pomoćnika ministra i predsjednika Komisije za pomilovanja, oženjen, srednjeg imovnog stanja, nije odlikovan, neosuđivan, ne vodi se drugi krivični postupak protiv njega.

5. **ASIĆ ŽELJKO**, rođen 1970. godine u Mostaru, nastanjen u ulici, JMBG:, državljani BiH i Republike Hrvatske, magistar, zaposlen u Zastupničkom parlamentu FBiH, oženjen, solidnog imovnog stanja, nije odlikovan, osuđivan.
6. **KULOVAC ARMIN**, rođen 1981. godine u Sarajevu, stalno nastanjen u, JMBG:, državljani BiH i SAD-a, po zanimanju vozač, nezaposlen, srednjeg imovnog stanja, neosuđivan, ne vodi se drugi krivični postupak protiv njega.

Što su:

Budimir Živko, Barišić Petar, Kulosman Saud, Hidajet Halilović-zajedno

1. Početkom 2013. pa sve do 26.04.2013. godine, u Sarajevu i Mostaru, nakon što je A.K. iz Sarajeva, koji je presudom Općinskog suda u Sarajevu broj: dana 18.10.2012. godine, oglašen krivim zbog krivičnog djela –Teška tjelesna povreda iz člana 172. stav 1. KZ-a FBiH i osuđen na kaznu zatvora u trajanju od šest mjeseci, te nakon što je nekoliko mjeseci ranije već odbijen sa molbom za pomilovanje od strane Budimir Živka, odlučio da na drugi način ishoduje svoje pomilovanje, pa je stupio u kontakt sa osobama za koje je imao saznanja da mu u tome mogu pomoći i to: Kulosman Saudom, koji je otac A. prijatelja A.K. i sa kojim zajedno radi u grilu u SRC „.....“, nakon čega je Kulosman Saud stupio u neposredne kontakte sa Barišić Petrom i Predsjednikom udruženja „.....“ I.J., pa su zajedno u cilju ishodoivanja pomilovanja za A.K. putem telefona i lično stupali u kontakte sa Budimir Živkom, M.Ć. dugogodišnjom prijateljicom Budimir Živka, V.D. - šefom kabineta Ureda predsjednika FBiH, sekretaricom u Uredu predsjednika FBiH N.Š., te drugim osobama koje su u prijateljskim odnosima sa Budimir Živkom, kako bi na ovaj način ishodoivali pomilovanje, pa su postupajući na ovaj način putem telefona Barišić Petar i Kulosman Saud dogovarali iznose novca koje je potrebno platiti za pomilovanje A.K., a nakon dobijanja takvih uputa, Kulosman Saud je preuzimao novac od svoje supruge i donosio ga Barišić Petru u Ured predsjednika F BiH i to dana 08.01.2013.godine, nakon što je u telefonskim razgovorima sa Barišić Petrom koji je koristio mobilni telefon V.D. i svojom suprugom s kojom je dogovorio da mu donese novac i koji novac je Barišić Petru predao u zgradi Predsjedništva u ulici Musala br.9 u Sarajevu, a kada je od strane Ministarstva pravde dostavljen predmet pomilovanja A.K. u Ured predsjednika FBiH, Budimir Živko je zatražio od svoje dugogodišnje prijateljice i saradnice M.Ć., koja je upravo u tom periodu bila jedan od osnivača novoosnovane stranke Živka Budimira – “Stranke pravde i povjerenja”, da iz Mostara dođe u Sarajevo i bude učesnik sastanka između Kulosman Sauda i Halilović Hidajeta, a koji se održao dana 24.04.2013.godine, u ugostiteljskom objektu „.....“ na platou SRC „.....“, na kojem sastanku su Kulosman Saud i A.K. predočili Halilović Hidajetu, predsjedniku Komisije za pomilovanja F BiH, dokumentaciju iz koje proizilazi osuđivanost A.K., pa kada je Hidajet Halilović objasnio da je završio svoj dio posla i predmet otpremio Predsjedniku Federacije BiH, M.Ć. je putem telefona na ranije dogovoreni način kratko obavijestila Budimir Živka da je stvar gotova, nakon čega je Budimir Živko trebao donijeti novu odluku o pomilovanju A.K., kada dana 26.04.2013. godine dođe u svoj Ured u Sarajevu, u čemu međutim nije uspio, a koji predmet-spis pomilovanja se u trenutku pretresa prostorija Ureda predsjednika Federacije BiH, od strane pripadnika Državne agencije za istrage i zaštitu BiH nalazio na njegovom radnom stolu,

2. Početkom 2013., pa sve do 26.04.2013. godine, u Sarajevu i Mostaru, nakon što je ranije od strane Predsjednika FBiH Budimir Živka odbijena molba za pomilovanje osuđenog A.K., koji je presudom Kantonalnog suda u Mostaru broj: od 24.04.2012. godine, oglasen krivim, te osuđen na kaznu zatvora u trajanju od 2,5 godine, zbog krivičnog djela -Silovanje iz člana 221. stav 1. KZ-a FBiH, pa je u vrijeme dok se A.K. nalazio u zatvoru na izdržavanju kazne, njegov brat A.K., u želji da pomogne svom bratu, stupio u kontakt sa R.B. i Kulosman Saudom, predsjednikom Jedinственe organizacije boraca Kantona Sarajevo, licima za koje je smatrao da mu mogu pomoći u predmetu pomilovanja njegovog brata, te su se njih trojica u više navrata međusobno sastajali i dogovarali na koji način da stupe u kontakt sa Budimir Živkom, predsjednikom Federacije BiH i Barišić Petrom, savjetnikom Predsjednika Federacije BiH, što se naposljetku i desilo, pa su putem telefona i lično u hotelu „.....“ u Sarajevu i drugim ugostiteljskim objektima dogovarali sa Petrom Barišićem i obećali dar, tj. koliko novca trebaju platiti Budimir Živku na ime pomilovanja A.K., a nakon što su dogovorili da je to iznos od 40.000,00 KM, Barišić Petar je Kulovac Arminu putem telefona dostavio broj žiro računa Ž.Č. iz Posušja na čiji račun je Kulovac trebao uplatiti iznos od 7.000,00 KM, kao avans na ime pomilovanja, pa kada je Kulovac Armin zaista i uplatio navedeni iznos, dana 29.03.2013. godine na račun Ž.Č. iz Posušja, istog dana Barišić Petar je zajedno sa Ž.Č. i Željkinim poslodavcem M.B., koji je Petru dao uputu da novac uplati na Ž. račun, otišao u poslovnice banke u Grudama i Mostaru, gdje je Ž. sa svoga računa podigla cjelokupni iznos uplaćenog novca, a potom novac predala Barišić Petru u njegovom putničkom motornom vozilu, boje, koji je bio parkiran na prostoru ispred Banke u Mostaru, a kada je Petar Barišić primio novac, putem telefona je obavijestio Budimir Živka da je dio novca već preuzet, a da će ostatak novca biti uplaćen kada Budimir bude završio pomilovanje A.K., i koji novac je Budimir Živku Petar predao u njima poznatom vremenu i mjestu, te koji novac je Budimir Živko čuvao kod sebe, a kada je postalo izvjesno da do pomilovanja neće doći u ugovoreno vrijeme, to zbog trenutno nepovoljne medijske situacije stvorene radi brojnih odluka Budimir Živka u vezi pomilovanja osuđenih osoba, Barišić Petar je obavijestio Kulovac Armina, da će do pomilovanja doći tek krajem maja 2013. godine i da ako želi da mu novac može biti vraćen, do čega međutim nije došlo, jer je Kulovac prihvatio mogućnost donošenja odluke i u mjesecu maju, pa je dio novca od Budimir Živka prilikom njegovog lišenja slobode oduzet od strane pripadnika Državne agencije za istrage i zaštitu BiH

Budimir Živko –sam

3. Dana 13.09.2012. godine, u Jajcu, postupajući u svojstvu Predsjednika F BiH i istovremeno visokorangiranog funkcionera u stranci “Hrvatska stranka prava”, zloupotrijebio i iskoristio svoj službeni položaj, na način da nakon što je od strane te Stranke rezervisan stol u motelu,..... u ulici u Jajcu, povodom proslave obilježavanja dana oslobođenja Jajca, u povodu polaganja vijenaca poginulim pripadnicima HVO-a za delegaciju koju će sačinjavati 15-20 osoba, među kojima su Budimir Živko, Predsjednik Federacije BiH, D.K., Predsjednik Hrvatske Socijalno-liberalne stranke iz Republike Hrvatske, uposlenik Elektroprivrede HZ-HB“ P.B., te više drugih njemu poznatih osoba, u kojem restoranu su zajedno konzumirali jelo i piće, a nakon što je konobar u navedenom ugostiteljskom objektu I.Š., upitao prisutne ko će platiti navedeni račun u iznosu od 847,50 KM, Budimir Živko je zatražio da se ispostavi faktura Javnom preduzeću Elektroprivreda „HZ-HB“ d.d. Mostar, a sam Budimir je

ispostavljeni račun broj potpisao upisivanjem riječi „.....“, iako je znao da nema ovlaštenje N.K. generalnog direktora Elektroprivrede HZHB da potpisuje račune u njegovo ime, na koji način je unošenjem neistinitih podataka u poslovnu ispravu, lažno se predstavljajući za direktora javnog preduzeća, sebi ostvario imovinsku korist u iznosu od 847,50 KM, na koji način je oštećenu d.o.o. oštetio za taj iznos.

Budimir Živko i Asić Željko -zajedno

4. Krajem 2011. godine i tokom 2012. godine u Sarajevu i Mostaru, Budimir Živko korištenjem svog službenog položaja u FBiH na dužnosti Predsjednika F BiH, te njegov stranački kolega u to vrijeme u Hrvatskoj stranci prava BiH, a sada u Stranci pravde i povjerenja Željko Asić, koristeći taj svoj uticajni položaj u FBiH, stupili su u kontakt sa R.B. iz Travnik, koja je pokušavala da zasnje radni odnos u JP „Elektroprivreda HZ-HB“, na način da je R.B. stupila u kontakt sa porodičnim prijateljem R.I. iz Mostara, koji poznaje Asić Željka, nakon čega je u dogovoru sa Budimir Živkom, Asić Željko zatražio od R. i njenog supruga I.B. da na ime zaposlenja R.B. u JP „Elektroprivreda HZ-HB“ uplati ukupni iznos od 10.000,00 KM, i to na taj način da R.B. odmah isplati avans u iznosu od 5.000,00 KM, što je ova i učinila, tako što je R.I. novac koji je preuzeo od R.B. uplatio na račun preduzeća marketinške kuće „.....“ iz Mostara na ime navodne reklame kladionice u kojoj radi R.I. „.....“ iz Mostara, pa kada je ova to učinila i predala navedeni novac, marketinška agencija „.....“ je, putem bliskog saradnika Budimir Živka i jednog od osnivača njegove stranke D.I. vlasnika internet portala „.....“, objavila reklamu na navedenom portalu za kladionicu „.....“, a Budimir Živko je preuzeo obavezu obezbjeđenja zaposlenja R.B., tako što je u svom mobilnom telefonu „.....“ evidentirao obavezu R.B. da isplati još 5.000,00 KM kada počne raditi u JP „Elektroprivredi HZ-HB“, a kada zbog hapšenja Budimir Živka nije došla do navedenog zaposlenja, nakon što su se R.B. i njen suprug obratili Asić Željku i R.I. sa zahtjevom za povrat novaca, navedeni novac nisu vratili uz objašnjenje da je na portalu „.....“ kladionica reklamirana, na koji način su Budimir Živko i Asić Željko, R.B. oštetili za iznos od 5.000,00 KM.

Budimir Živko - sam

5. Dana 27.02.2013. godine, u Sarajevu, postupajući u svojstvu Predsjednika F BiH, u namjeri sticanja imovinske koristi, zloupotijebio, iskoristio i prekoračio svoje službene ovlasti, na način da je pod brojem donio Odluku o kupovini opreme i to: „CLSC GREY PSTRIPED JKT“ u iznosu od 89,99 \$, „BODY MICRO TIC JKT“ u iznosu od 89,99 \$, „BODY GREY PINSTRIPED PANT“ u iznosu 44,99 dolara i „BODY MICRO TIC PANT“ u iznosu 44,99 \$, ukupnog iznosa 269,96 \$, a u naravi se radi o dva sakoa i dvoje pantalona firme „Calvin Klein“ i kojom odlukom je nadležnim službama Predsjedništva naložio da navedene predmete nabave kod firme „CALVIN KLEIN“ Leesburg, VA (Virginia-SAD), iako je znao da ne postoji zakonski osnov za nabavku navedenih predmeta, jer je kao građanin BiH na službenom putu u Sjedinjenim Američkim Državama u gradu Washington kao privatna osoba navedene predmete već prethodno kupio, a potom naknadno donio odluku o fiktivnoj kupovini opreme, a kako bi na ovaj način ostvario neosnovani povrat sredstava navodnim nabavkama opreme, a pri tome je znao da ne postoji zakonski osnov za ovakvo postupanje, pa je i sam navedenu odluku donio pozivajući se samo na jedan propis članak IV. tačka b) tačka 1. Ustava F

BiH u kojem članu stoji: „da Predsjednik FBiH rukovodi Federacijom BiH“, pa je Budimir Živko postupajući na navedeni način pribavio sebi imovinsku korist u iznosu od 494,00 KM, a u istom iznosu oštetio Budžet F BiH.

Dakle,

Budimir Živko

- radnjama opisanim u tačkama 1. i 2. optužnice, kao službena osoba u Federaciji BiH, iskorištavanjem i prekoračenjem službenog položaja ili ovlasti pribavio sebi i drugome korist, tako što je s namjerom počinio više istih ili istovrsnih krivičnih djela koja s obzirom na način počinjenja, njihovu vremensku povezanost i druge stvarne okolnosti koje ih povezuju čine jedinstvenu cjelinu s namjerom da je započeo krivično djelo, ali ga nije dovršio,
- radnjama opisanim u tački 2. optužnice kao službena osoba u Federaciji BiH primio dar ili obećanje dara, da u okviru svoje ovlasti učini što ne bi smio učiniti,
- radnjama opisanim u tački 3. optužnice, kao službena osoba u Federaciji BiH, zloupotrijebio i iskoristio službeni položaj ili ovlasti, te na taj način sebi pribavio korist, a drugome nanio štetu,
- radnjama opisanim u tački 4. optužnice korištenjem svog uticajnog položaja u institucijama u FBiH posredovao da se učini službena radnja koja se ne bi smjela učiniti, u okviru kojeg je primljena kakva nagrada,
- radnjama opisanim u tački 5. optužnice, kao službena osoba u Federaciji BiH, prekoračenjem granice svoje službene ovlasti pribavio sebi korist,

Barišić Petar

- radnjama opisanim u tački 1. i 2. optužnice, primio nagradu da korištenjem svog službenog i uticajnog položaja u Federaciji BiH posreduje da se učini službena radnja koja se ne bi smjela učiniti, pri čemu je primljena nagrada ili kakva druga korist, i službenoj osobi u Federaciji dao dar da učini ono što ne bi smjela da učini, pri čemu je dar dao na zahtjev službene osobe, pri čemu je s namjerom počinio više istih ili istovrsnih krivičnih djela koja s obzirom na način počinjenja, njihovu vremensku povezanost i druge stvarne okolnosti koje ih povezuju čine jedinstvenu cjelinu,

Kulosman Saud

- radnjama opisanim u tački 1. i 2. optužnice, korištenjem svog uticajnog položaja u institucijama u Federacije, posredovao da se učini službena radnja koja se ne bi smjela učiniti i službenoj osobi u Federaciji dao dar da učini ono što ne bi smjela da učini, pri čemu je dar dao na zahtjev službene osobe, pri čemu je s namjerom počinio više istih ili istovrsnih krivičnih djela koja s obzirom na način počinjenja, njihovu vremensku povezanost i druge stvarne okolnosti koje ih povezuju čine jedinstvenu cjelinu,

Halilović Hidajet

- radnjama opisanim u tački 1. optužnice, koristeći svoj službeni položaj u institucijama u FBiH posredovao da se učini službena radnja koja se ne bi smjela učiniti, a za počinjenja krivičnog djela je primljena kakva nagrada ili kakva korist.

Asić Željko

- radnjama opisanim u tački 4. optužnice, korištenjem svog uticajnog položaja u FBiH posredovao da se učini službena radnja koja se ne bi smjela učiniti za koju je primljena kakva nagrada.

Kulovac Armin

- radnjama opisanim u tački 2. optužnice, dao dar službenoj osobi u Federaciji BiH, da u okviru svoje ovlasti učini ono što ne bi smjela učiniti,

Čime su,

Budimir Živko

- počinio radnjama opisanim u tačkama 1. i 2. optužnice, krivično djelo -Zloupotreba položaja ili ovlasti iz člana 383. stav. 1., u vezi sa članom 28., sve u vezi sa članom 55. (produljeno krivično djelo)

- počinio radnjama opisanim u 2. optužnice, krivično djelo-Primanja dara ili drugih oblika koristi iz člana 380. stav 1., te počinio radnjama opisanim u tački 3. optužnice krivično djelo- Zloupotreba položaja ili ovlasti iz člana 383. stav. 1, počinio radnjama opisanim u tački 4. optužnice, krivično djelo -Protuzakonito posredovanje iz člana 382. stav 2. u vezi sa stavom 3. KZ-a FBiH, te počinio radnjama opisanim u tački 5. optužnice, krivično djelo-Zloupotreba položaja ili ovlaštenja iz člana 383., stav 1., sve u vezi sa članom 54. stav 1. KZ-a FBiH.

Barišić Petar

- počinio radnjama opisanim u tačkama 1. i 2. optužnice, krivično djelo -Protuzakonito posredovanje iz člana 382. stav 2., u vezi sa stavom 3., sve u vezi sa članom 55. (produljeno krivično djelo)

Kulosman Saud

- radnjama opisanim u tački 1. optužnice krivično djelo davanje dara i drugih oblika koristi iz člana 381. stav 1. Krivičnog zakona Federacije Bosne i Hercegovine u vezi sa članom 54. KZ FBiH (sticaj krivičnih djela)

- počinio radnjama opisanim u tački 1. i 2. optužnice, krivično djelo -Protuzakonito posredovanje iz člana 382. stav 2. KZ-a FBiH

Halilović Hidajet

- radnjama opisanim u tački 1. optužnice, počinio krivično djelo- Protuzakonito posredovanje iz člana 382. stav 2., u vezi sa stavom 3. KZ-a FBiH.

Asić Željko

- počinio radnjama opisanim u tački 4. optužnice, krivično djelo -Protuzakonito posredovanje iz člana 382. stav 2. , u vezi sa stavom 3. KZ-a FBiH

Kulovac Armin

Sve u vezi sa članom 31. Krivičnog zakona FBiH.

Predlažem da sud izekne mjeru bezbjednosti na osnovu člana 71. stav 1. tačka e), u vezi sa članom 78. stav 1. a sve u vezi sa članom 114. i 114 a) KZ-a F BiH – mjeru oduzimanja predmeta i to:

1. Predmeti oduzeti od Budimir Živka

- Novac u u iznosu od 5.900,00 KM (54x100,00 KM i 10x50,00 KM) nađeni u pretresu Ureda Predsjednika Federacije BiH u ul. Musala br. 9, po potvrdi broj: od 26.04.2013. godine;
- Mobilni telefon marke „.....“ IMEI: sa pripadajućom karticom „.....“ plus dvije SIM kartice sa natpisom „.....“, plus SIM kartica „.....“ sa nosačem ser.broj: i plastični nosač SIM kartice sa brojem: oduzete po potvrdi broj: od 26.04.2013. godine;
- Mobilni telefon marke „.....“ boje, IMEI:, nepoznatog telefonskog broja, oduzeto po potvrdi broj: od 26.04.2013. godine;
- crni eksterni harddisk

2. Predmeti oduzeti od Barišić Petra:

- Mobilni telefon marke „.....“ IMEI: sa sim karticom broj: oduzeti po potvrdi broj: od 26.04.2013. godine;
- Mobilni telefon marke „.....“ IMEI: sa sim karticom broj:, oduzeti po potvrdi broj: od 26.04.2013. godine;

3. Predmeti oduzeti od Kulosman Sauda:

- mobilnim telefonom marke „.....“IMEI:
- IMEI: sa dvije SIM kartice, ser. br., i SIM kartica broj: oduzete po potvrdi broj:od 26.04.2013. godine;

4. Predmeti oduzeti od Hidajet Halilovića:

- Mobilni telefon:, IMEA: sa ultra karticom broj:
- Mobilni telefon: „.....“, IMEI:
- Mobilni telefon: „.....“, IMEI:
- Mobilni telefon: „.....“, IMEI:
- Mobilni telefon: „.....“, IMEI:
- Mobilni telefon: „.....“, IMEI:
- Mobilni telefon: „.....“, IMEI:
- Mobilni telefon: „.....“, IMEI:
- Mobilni telefon: „.....“, IMEI:
- Mobilni telefon: „.....“, IMEI:
- Mobilni telefon: „.....“, IMEI:
- Mobilni telefon: „.....“, IMEI:
- Mobilni telefon: „.....“, IMEI:; oduzeti po potvrdi broj: od 26.04.2013. godine

KANTONALNI TUŽILAC